

## 胆

【气味】苦，微寒，有毒。

【主治】 蟹疮。别录。杀下部虫。甄权。疗诸漏，研傅之。若作痛，杵杏仁摩之。时珍。出外台。

## 肉

【气味】甘，温，有毒。

【主治】 酿作酒，疗癩疾诸痿，心腹痛，下结气，除蛊毒。别录。五痔，肠风泻血。甄权。大风，诸恶风，恶疮瘰疬，皮肤顽痹，半身枯死，手足胜腑间重疾。〔藏器曰〕取活蛇一枚着器中，投以醇酒一斗，封定，埋马溺处。周年取开，蛇已消化，酒味犹存。有患诸证者，不过服一升以来，



当觉身习习而愈。然有小毒，不可顿服。若服他药，不复得力。又曰：生癩者，取一枚，或他蛇亦可，烧热坐上，当有赤虫如马尾出。仍取蛇肉塞鼻中。

【附方】 旧一。白癩大蝮蛇一条，勿令伤，以酒一斗渍之，糠火温令稍热。取蛇一寸，和腊月猪脂捣傅。肘后方。

## 脂

【主治】 绵裹，塞耳聋。亦傅肿毒。时珍。

## 皮

【主治】 烧灰，疗疔肿、恶疮、骨疽。苏恭。

## 蜕

【主治】 身痒、疥癣、癩疮。苏恭。

## 骨

【主治】 赤痢。烧灰，饮服三钱。杂蛇亦可。藏器。

## 屎

【主治】 痔痿。苏恭。

## 鼠屎

【气味】 有小毒。

【主治】 鼠痿别录、千金云：烧末，酒服方寸匕，日二，不过三日大验。

## 蚘

【主治】 疔瘰内漏。别录。治破伤中风，大风恶疾。时珍。

【附方】 新一，破伤风牙关紧急，口噤不开，口面喎斜，

肢体弛缓。用土虺蛇一条，去头、尾、肠、皮、骨，醋炙，地龙五条去泥，醋炙，天南星八钱重一枚炮，上为末，醋煮面糊丸如绿豆大。每服三丸至五丸，生姜酒下，仍食稀葱白粥，取汗即瘥。昔官使明光祖，向任统制官，被重伤，服此得效。普济方。



## 蓝蛇

【主治】 用头合毒药，毒人至死。以尾作脯，食之即解。藏器。

## 两头蛇

【释名】 积首蛇、越王蛇。

## 肉

【气味】 无毒。

【主治】 疟疾。山人收取干之。佩于项上。时珍。



## 苟印

## 膏

【主治】 滴耳中，治聋，令左右耳彻。藏器。

## 蛇角

【释名】 骨咄犀、骨笃、碧犀。

【气味】 有毒。

【主治】 消肿毒，解诸毒蛊毒，以毒攻毒也。时珍。